



ხაშურის მუნიციპალიტეტის საკრებულო

განკარგულება № 78

2013 წლის 29 მაისი

ქალაქი ხაშური



ხაშურის მუნიციპალიტეტის საკრებულოს 2012 წლის 28 დეკემბრის N226 განკარგულებაში „ხაშურის მუნიციპალიტეტში სოფლად სპორტის აღორძინებისა და განვითარების ხელშეწყობის პროგრამის დამტკიცების შესახებ“ ცვლილების შეტანის თაობაზე

„ზოგად ადმინისტრაციული კოდექსის“ 63-ე მუხლის შესაბამისად:

1. განხორციელდეს ცვლილება ხაშურის მუნიციპალიტეტის საკრებულოს 2012 წლის 28 დეკემბრის N226 განკარგულების შესაბამისად დამტკიცებულ „ხაშურის მუნიციპალიტეტში სოფლად სპორტის აღორძინებისა და განვითარების ხელშეწყობის პროგრამაში“
2. ცვლილებების გათვალისწინებით განკარგულება ჩამოყალიბდეს ახალი რედაქციით.
3. განკარგულება გაეგზავნოს ხაშურის მუნიციპალიტეტის გამგეობას.
4. განკარგულება ძალაში შედის არსებული კანონმდებლობის შესაბამისად.
5. განკარგულება შეიძლება გასაჩივრდეს დაინტერესებული პირის მიერ რაიონულ სასამართლოში (მის: ქ. ხაშური, კოსტავას ქ. #13) ერთი თვის განმავლობაში

საკრებულოს თავმჯდომარე

დავით ლომიძე



ხაშურის მუნიციპალიტეტში სოფლად სპორტის აღორძინებისა და განვითარების ხელშეწყობის პროგრამა

მუხლი 1. პროგრამის მიზანი.

ხაშურის მუნიციპალიტეტის ტერიტორიაზე მდებარე სოფლებში სპორტის ეროვნული და პოპულარული სახეობების განვითარების ხელშეწყობა, ახალგაზრდა სპორტსმენთა საქართველოს, რეგიონალური და მუნიციპალური დონის შეჯიბრებებში მონაწილეობის მაქსიმალური მხარდჭერა, რაც ხელს შეუწყობს სოფლად ახალგაზრდა სპორტსმენთა შემდგომ დაოსტატებას და მაღალი სპორტული შედეგების მიღწევას.

ხაშურის მუნიციპალიტეტის სოფლებში სპორტული ღონისძიებების ორგანიზება, სპორტის სხვა და სხვა სახეობების ჯგუფების ჩამოყალიბება და სავარჯიშო პირობების მოწესრიგების ხელშეწყობა.

არსებული პროგრამის განხორციელებას საფუძვლად უდევს საქართველოს ორგანული კანონი „ადგილობრივი თვითმმართველობის შესახებ“ და საქართველოს კანონი „სპორტის შესახებ“.

მუხლი 2. პროგრამის არსი.

ადგილობრივი თვითმმართველობა უზრუნველყოფს პროგრამით გათვალისწინებული მიზნების განხორციელებისათვის საჭირო თანხით პროგრამის დაფინანსებას.

მუხლი 3. პროგრამის გავრცელების არეალი და სტრუქტურა.

მოქმედი სპორტული ჯგუფები:

დაბა სურამი _ ჭადრაკი (1 ჯგუფი)

დაბა სურამი_ ძიუდო (1 ჯგუფი)

სოფ. ვაყაში_ძიუდოში (1 ჯგუფი)

სოფელ ალში _ ქართული ჭიდაობა; (2 ჯგუფი)

სოფელ გომში _ ჭადრაკი; (1 ჯგუფი)

სოფელ გომში _ ფეხბურთი; (1 ჯგუფი)

სოფელ ფლევი _ ქართულ ჭიდაობაში; (1 ჯგუფი)

სოფელ ოსიაურში _ ქართული ჭიდაობა; 2 ჯგუფი

სოფელ ცხრამუხაში _ ფეხბურთი; (1 ჯგუფი)

სპორტული მონაცემების მქონე მოზარდების გამოვლენა ღონისძიებების დაგეგმვა და ორგანიზება მუნიციპალიტეტის ყველა სოფელში.

მუხლი 4. პროგრამის ხანგრძლივობა.

პროგრამის მოქმედების ვადაა 2013 წლის 1 იანვრიდან --- 2013 წლის 31 დეკემბრის ჩათვლით.

მუხლი 5. პროგრამის ბიუჯეტი.

პროგრამის დასაფინანსებლად საჭიროა **25240** ლარი. რაც მოიცავს მონაწილეთა შრომის ანაზღაურებას და აუცილებელ სამივლინებო ხარჯებს.

პროგრამის ეფექტურად ამოქმედებისათვის საჭიროა:

- ა) სპეციალისტები, რომლებიც მუნიციპალიტეტის დასახლებებში სოფლების ზოგადსაგანმანათლებლო სკოლებში შეისწავლიან სპორტული ცხოვრებით დაინტერესებული მოზარდების კონტიგენტს, უზრუნველყოფენ სპორტულ ჯგუფებში მათ გაერთიანებას, განსაკუთრებული სპორტული მონაცემების მქონე ახალგაზრდების გამოვლენას და ხელშეწყობას, განახორციელებენ სოფლად სპორტის აღორძინების მიზნით გასატარებელი ღონისძიებების დაგეგმვას და მათ ორგანიზებას.
- ბ) მწვრთნელ-მასწავლებლები რომლებიც მუნიციპალიტეტის ადმინისტრაციული ცენტრიდან მოშორებული სოფლების ახალგაზრდებისათვის განახორციელებენ სასწავლო საწვრთნელ მეცადინეობებს სპორტის პოპულარულ სახეობებში.

ხარჯის დასახელება	სულ:
ხელფასი	24240
მივლინება	400
სხვა საქონელი	600
სულ	25240

მუხლი 6. პროგრამის შედეგი.

პროგრამის განხორციელება ხელს შეუწყობს ხაშურის მუნიციპალიტეტის სოფლებში სპორტსმენტა შემდგომ დაოსტატებას და სპორტული გამოცდილების შექმნას, სოფლად ახალგაზრდა თაობის სწორ აღზრდას და გაჯანსაღებას, სპორტის ეროვნულ და ოლიმპიურ სახეობათა პოპულარიზაციასა და პერსპექტიულ სპორტსმენტა წარმოჩენას.